

Delegat **Borjana Krišto** uputila je pitanje Ustavnom sudu Federacije BiH koje glasi:

„Koliko je odluka Ustavnog suda Federacije BiH izvršeno, a koliko nije, imajući u vidu da je poznato ko je zadužen za njihovo izvršenje?

Svi organi u Federaciji BiH dužni su, u okviru svojih nadležnosti utvrđenih Ustavom i zakonom, provoditi odluke Suda. Organ koji je obavezan izvršiti odluke Suda dužan je obavijestiti o preduzetim mjerama s ciljem izvršenja odluka Suda. Ustavni sud Federacije BiH u slučajevima nepostupanja, odnosno kašnjenja u izvršenju ili izvještavanju Suda o preduzetim mjerama donosi rješenja kojim se utvrđuje da odluka Suda nije izvršena.

U tom kontekstu pitam da li su u slučajevima neizvršavanja odluka preduzete propisane mjere i da li su donesena rješenja dostavljena nadležnom tužilaštvu, odnosno drugom organu kojeg je Sud odredio nadležnim za izvršenje? U kojoj su fazi prethodno navedeni pravni postupci? „